



Masfjorden kommune

Rådgjevargruppa

Kopimottakar

Gulen kommune
 Modalen kommune
 Lindås kommune
 Osterøy kommune
 Høyanger kommune



Referanser:
 Dykkar:
 Vår: 15/179 - 15/4270

Saksbehandlar:
 Arne Berg
 Alf.M.Strand@masfjorden.kommune.no

Dato:
 23.09.2015

Bjørn West-museet - konsolidering

Vidare utvikling av Bjørn West Museet og deltaking frå kommunane

Historia om Bjørn West er ein sentral del av regionens og landets krigshistorie frå andre verdskrig. Eit stort tal ungdom, soldatar og ikkje minst sivile kontaktar i Nordhordland og Bergensområdet hadde tilknytning til motstandsgruppa Bjørn West. Dei heldt til i fjella i Masfjorden, Lindås, Gulen, Modalen og Høyanger siste krigsvinteren. Og det var her dei siste kampane i Europa vart utkjempa fram til 3. mai 1945.

For 21 år sidan – 15. oktober 1994 – vart Bjørn West Museet opna av kong Harald. Museet vart ein realitet etter mykje frivillig dugnadsinnsats og initiativ. Masfjorden kommune stilte bygningar til disposisjon og ytte ein sum til oppretting av stiftinga Bjørn West Museet. Det gjorde også kommunane Lindås, Osterøy, Modalen og Gulen med kr 5000,- kvar. Dette har vorte eit årleg tilskot frå desse kommunane. Hordaland Fylkeskommune var også sentral i oppretting av Stiftinga. Dei nemnde kommunane er også representerte i stiftinga sitt styre, saman med fylket og andre. (Sjå vedlagde vedtekter for stiftinga)

Seinare tok Masfjorden kommune på seg noko ansvar for drifta. Frå 2008 har alt driftsansvar lege til Masfjorden kommune inkl vask av lokala og løn til personale. Den kommunale kostnaden dei seinare åra har vore på om lag kr 400.000,- årleg.

I 2014 kom arbeidet med ei konsolidering av museet skikkeleg i gang, og ein rapport frå Museum Vest frå desember 2014 konkluderer med at:

1. Bjørn West Museet bør konsoliderast og bli ein del av Stiftinga Museum Vest
2. Det bør arbeidast med eit nybygg ved E39 for å få eit nytt Bjørn West Museum, evt. inkludert eit visningscenter for Stølsheimen, framfor å ruste opp ekisterande museumsbygg.

Rapporten er vedlagt. Museum Vest er tydeleg på at konsolidering ikkje er avhengig av nybygg, slik at desse prosessane kan gå noko uavhengig av kvarandre. Tilstanden til dagens museumsbygg gjer imidlertid at prosessane må gå parallelt.

Me ser det som viktig at Bjørn West Museet også i framtida har ei sterk regional forankring. Det er difor eit sterkt ynskje både frå Masfjorden kommune, Bjørn West Museet og Museum Vest at alle kommunane er med vidare i utvikling av Bjørn West Museet og slik tek vare på historia. Me ynskjer også at Høyanger kommune vert med i den nye organiseringa av museet. Høyanger var sentral mellom anna med stølane, flyslepp, kampane ved Nystølen og Krokevatnet, dei sivile kontaktane, tyske ilandsettingar osv.

Drifta av Bjørn West Museet var først på dugnad. Så vart vaktane/omvisarane løna av Masfjorden kommune. Dei seinare åra har Arne Berg vorte engasjert av Masfjorden kommune for dagleg leiing. Etter ei konsolidering vert det Museum Vest som står for all drift, også dagleg leiing. For å få ei fornying, vidareutvikling og profesjonalisering er det naudsynt med ei større stilling enn det me har hatt så langt. Med tilskot frå Masfjorden kommune, tilsvarende frå Hordaland fylke, andre kommunar og anna er det eit mål å ha dagleg leiar i full stilling. Me ser for oss at det årlege økonomiske tilskotet frå kvar av kommunane vert på kr 25000,-.

I samband med konsolidering må det lagast nye vedtekter for Stiftinga Bjørn West Museet. Me håpar difor kommunane framleis ynskjer å ha representantar i styret.

Ta gjerne kontakt med dagleg leiar Arne Berg i Bjørn West Museet eller ordførar i Masfjorden Karstein Totland om de lurar på noko.

Med helsing

Karstein Totland
Ordførar

Arne Berg
Dagleg leiar Bjørn West-museet

Dette dokumentet er elektronisk godkjent og har difor ingen signatur



Vedtekter for stiftinga Bjørn West-museet

[Tilbake til startside](#)

§ 1

Bjørn West-museet omfattar eit to-etasje trehus på Matre frå 1912 og fire garasjar med grunn, gnr. 59, bnr. 44. Ei sæterbu vart flytta til museet i 1995 og er ei gåve frå BKK. I samlinga inngår ein livbåt frå Vigra, restar av Halsøygavlen og ein god del militære gjenstandar, kart, dokument, lydband, foto og videoopptak. I tillegg kjem ei fagcelle frå Gestqphuset i Veiten i Bergen. Alle våpen og millitære gjenstandar er etter lov Staten sin eigedom og vert forvalta av Forsvarsmuseet.

§ 2

Bjørn West-museet er ei stifting med føremål å ta vare på og gjere tilgjengeleg saga om Bjørn West. Museet skal også femna om minna frå den lokale motstandsørsla i Bergen, Nordhordland og Ytre Sogn, både den militære og den sivile. Vidare må museet arbeide for å ta vare på og formidle minne som kastar lys over folks levkår under krigen.

§ 3

Bjørn West-museet er ei særskilt rettsskiping med eige budsjett og rekneskap og med ein grunnkapital på kr. 400.000,-. Rekneskap og årsmelding skal sendast til deltakande kommunar og til Fylkesmannen for godkjenning innan 1. mars kvart år. Rekneskapen skal vere revidert av ein statsautorisert eller registrert revisor.

§ 4

Stiftinga er oppretta 1991 av fylgjande kommunar i Nordhordland og Ytre Sogn, som for 2000 har løyvt midlar slik:
Gulen kr. 5.000
Lindås kr. 5.000
Masfjorden kr. 45.000
Modalen kr. 5.000
Osterøy kr. 5.000
Hordaland fylkeskommune har løyvd kr 15.000.
Masfjorden kommune har vederlagsfritt overdrege huset og fire garasjar med tomt til stiftinga.

§ 5

Stiftinga vert leia av eit styre på 7 medlemmer med personlege varamedlemmer pluss to observatører med møte- og talerett, men som ikkje har stemmerett. Styret skal ha fylgjande samnasetning:
Ein representant vald av kvar av dei deltakande kommunane (5)
Ein representant vald av Bjørn West-museets venner (1)
Ein representant vald av Masfjorden Sogelag (1)
Ein observatør kan sendast av Hordaland Fylkeskommune
Ein observatør kan sendast frå Forsvarsmuseet eller Distriktskomando Vestlandet.

Funksjonstida for dei valde representantane er 4 år.

Styret vel formann for to år om gongen mellom styrerepresentantane frå Masfjorden.

I fyrste periode går tre ut etter to år, ved loddtrekning mellom styremedlemene unntatt formannen.

Formannen kallar inn styret med minst åtte dagars varsel. Styret vel skrivar og kasserar som ikkje treng å vera medlem av styret.

Styret er vedtaksført når minst fire av medlemmene er til stades. Ved likt stemmetal er formannen si stemme avgjerande.

Det skal førstast protokoll for kvart møte. Referat og protokolltilførsalar skal vera godkjent av alle.

§ 6

Styret er ansvarleg for drifta av stiftinga og forvaltning av eigendomen, og vil ha fagleg samarbeid med Fylkeskommunen, Forsvarsmuseet og eventuelt andre museum innan fagfeltet.

Bindande underskrift vert gjeven av styreformann og minst eitt styremedlem.

Styret skal arbeide for å skaffe stiftinga økonomisk plattform for forsvarleg drift.

Styret skal utarbeide budsjett for stiftinga innan 1. oktober og sender dette til dei deltakande kommunane.

Museet skal vera ope for alle. Opningstider og inngangspengar vert bestemt av styret. Styret skal serleg arbeide for å leggja tilhøva til rette for skuleelevar. Styret engasjerer det nødvendige personell for drift av stiftinga og gjev reglar for deira ansvar og arbeidsområde.

§ 7

Museet sine egne lutar kan ikkje avhendast eller gjevast bort. Med godkjenning frå Forsvarsmuseet kan syret gje løyve til utlån for kortare eller lengre tid.

§ 8

Styret kan med 2/3 fleirtal vedta å endre vedtektene. Endringsframlegget skal liggje ved innkallinga. Etter stiftelseslova skal fylkesmannen godkjenne endring av vedtektene for stiftinga.

§ 9

Dersom ikkje styret greier å drive museet, skal huset overførast til vertskommunen, Masfjorden. Fylkesmannen må godkjenne ei eventuell oppløysing av stiftinga